

OPTIMA VERKOOPSVOORWAARDES • BEDINGE EN VOORWAARDES VAN TOEPASSING OP ALLE AANKOPE GEMAAK TYDENS DIE VEILING SOWEL AS OP ALLE VERKOPE UIT DIE HAND VOOR EN NA DIE VEILING MUTATIS MUTANDIS.

1. Die veiling word gehou onder beheer van Optima.
- 2.
- 2.1 'n Bod gemaak, sluit nie Belating op Toegevoegde Waarde in nie. BTW sal, waar van toepassing, by die prys gebie, gevoeg word op alle fakture wat uitgereik word.
- 2.2 Elke bod is onherroeplik en OPTIMA sal die uitsluitlike bevoegdheid en diskresie hê om enige bod te verwerp, die hoogste bod aan te wys, die volgorde van verkoop te verander, die veiling te staak tydens die verkoop daarvan, in geval van 'n geskil die koop nietig te verklaar en die lewendehawe of goedere te onttrek van die veiling.
- 2.3 Geen fout deur OPTIMA gemaak bind OPTIMA, die VERKOPER of die KOPER nie. Sodanige fout sal onmiddellik nadat dit ontdek is, reggestel word.
- 2.4 Geen party hoegenaamd sal enige verhaalsreg teen OPTIMA hê met betrekking tot die uitoefening van OPTIMA se bevoegdhede/diskresie soos bedoel in Klousule 2.2 hierbo nie, of die regstelling van 'n fout, soos bedoel in Klousule 2.3 hierbo nie.
- 2.5 Alle lewendehawe en goedere word voetstoots verkoop. Sonder om afbreuk te doen aan die algemeenheid van die voorgaande, sal OPTIMA nie aanspreeklik gehou word vir of in verband met
 - 2.5.1 enige bewerings wat verskyn in katalogusse en/of advertensies nie; en/of
 - 2.5.2 enige inligting wat verstrek is met betrekking tot die gehalte, teling, geslagsboom, ouderdom, datum van dekking, gesondheidstoestand, vrugbaarheid, produksievermoë, massa of enige ander aspek van die lewendehawe nie, en/of algemene toestand, beskrywing van die lewendehawe of goedere;
 - 2.5.3 enige waarborg of wanvoorstelling wat hetsy nalatiglik of andersins gemaak is met betrekking tot die lewendehawe of goedere nie; en/of
 - 2.5.4 enige gebreke in die lewendehawe of goedere, hetsy verborge, al dan nie.
- 2.6 Die KOPER erken dat geen werknemer van OPTIMA geregtig is om enige waarborg of voorstelling hoegenaamd namens OPTIMA te maak met betrekking tot of ten opsigte van die lewendehawe of goedere wat te koop aangebied word nie. Die KOPER erken verder dat enige inligting verskaf met betrekking tot die lewendehawe of goedere wat te koop aangebied word, verskaf is deur of namens die VERKOPER. Enige verhaalsreg wat die KOPER mag hê moet uitsluitlik teen die VERKOPER uitgeoefen word.
- 2.7 Elke lot sal onmiddellik nadat die bod toegeslaan is geag word as gelewer aan die KOPER en sal daarna op die uitsluitlike risiko van die KOPER wees, wat op eie koste die lot van die veilingsterrein sal verwyder.
3. Elke VERKOPER waarborg dat sy lewendehawe vry van enige beheerde veesiektes is en OPTIMA sal onder geen omstandighede hoegenaamd aanspreeklik gehou word vir enige verlies of skade van enige aard hoegenaamd, hetsy direk of indirekte skade of gevolg skade of andersins gely deur enigiemand, indien die lewendehawe op die veilingsterrein onder kwarantyn geplaas word as gevolg van die aanwesigheid van 'n beheerde veesiekte onder enige lewendehawe op die veilingsterrein nie. OPTIMA sal die reg hê om die veiling te staak en elke koop nietig te verklaar en geen party hoegenaamd sal enige verhaalreg teen OPTIMA hê met betrekking tot die uitoefening van hierdie bevoegdheid van OPTIMA nie.
4. Inskrywings gemaak op die vendurool sal dien as prima facie bewys van die besonderhede van elke transaksie wat daarop vermeld is.
5. Enige persoon wat bie, bie in sy persoonlike hoedanigheid tensy OPTIMA voor die veiling 'n volmag gegee ten gunste van so 'n persoon deur sy prinsipaal, aanvaar. Indien daar op enige stadium 'n dispuut sou ontstaan ten opsigte van die bestaan of geldigheid van sodanige volmag, word die persoon wat gebie het onmiddellik persoonlik aanspreeklik vir enige bedrag verskuldig voortspruitend uit enige bod waar die hoedanigheid waarin hy gebie het in geskil is, sonder om afbreuk te doen aan enige regte wat OPTIMA teen sy beweerde prinsipaal mag hê. Sou dit blyk dat die prinsipaal ook aanspreeklik gehou kan word vir prestasie, sal die gemelde partye se aanspreeklikheid gesamentlik en afsonderlik wees.
6. Die VERKOPER sal aanspreeklik wees om kommissie aan OPTIMA te betaal ten opsigte van alle verkope wat geskied hetsy voor, tydens of na die veiling. Waar die koers van die kommissie nie vooraf uitdruklik deur OPTIMA en die VERKOPER ooreengekom is nie, sal OPTIMA se gewone koers soos van tyd tot tyd deur OPTIMA vasgestel, geld. Die VERKOPER magtig OPTIMA om die gemelde kommissie af te trek voordat enige bedrag aan die VERKOPER ten opsigte van enige verkope oorbetal word.
7. Alle verkope geskied kontant en die koopprys is onmiddellik betaalbaar aan OPTIMA na aanvaarding van 'n bod, tensy vooraf andersins met OPTIMA ooreengekom is.
- 7.1 Enige opdragte, wat skriftelik moet wees, aan OPTIMA met betrekking tot die laai, en/of vervoer en/of versekering en/of versorging van die lewendehawe of goedere, word uitgevoer op die algehele risiko van die KOPER of VERKOPER, na gelang van die geval en OPTIMA sal nie aanspreeklik gehou word vir enige verlies of skade van enige aard hoegenaamd, hetsy direkte, indirekte, gevolgskade of andersins, wat gely mag word as gevolg van enige optrede of versuim, hetsy nalatig al dan nie, van OPTIMA nie. Enige ooreenkoms wat OPTIMA met die vervoerondernemer of versekeraars mag aangaan, word deur OPTIMA aangegaan as die verteenwoordiger van die KOPER of die VERKOPER, na gelang van die geval. Alle vervoerkoste en versekeringspremies is vooraf betaalbaar aan OPTIMA in kontant. Partye wat enige permissie nodig, is self aanspreeklik vir die verkryging daarvan.

- 7.2 Waar die KOPER, om welke rede ookal, nie die koopprys en/of vervoerkoste (indien enige) en/of die versekeringspremies (indien enige) by aanvaarding van die bod in kontant betaal nie, magtig die KOPER hiermee OPTIMA om die koopprys (minus OPTIMA se kommissie) namens die KOPER aan die vervoerkontraakteur te betaal en die versekeringspremies (waar toepaslik) namens die KOPER aan die versekeraar te betaal, in welke geval die gemelde koopprys, vervoerkoste en versekeringspremies geag word geld geleen en voorgeskiet te wees deur OPTIMA aan die KOPER.
- 7.3 Nietenstaande die magtiging verleen deur die KOPER aan OPTIMA soos vervat in Klousule 7.2 hierbo, is OPTIMA nie verplig om enige bedrae hoegenaamd namens die KOPER te betaal nie.
- 7.4 Waar die KOPER nie die koopprys by toeslaan van die bod in kontant betaal nie en waar OPTIMA nie bereid is om die koopprys aan die KOPER te leen en voor te skiet soos in Klousule 7.2 hierbo bedoel nie, sal die koop sonder meer as gekanselleer beskou word. In die geval sal OPTIMA die tersaaklike lewendehawe of goedere vanaf die VERKOPER aankoop teen die prys waarop die bod aan die gemelde KOPER toegeslaan was. OPTIMA sal dan geregtig wees om die betrokke lewendehawe of goedere vir eie rekening te verkoop of om na goëddunke daarmee te handel. Die gemelde KOPER sal enige skade wat deur OPTIMA gely mag word op aanvraag aan OPTIMA betaal.
- 7.5 OPTIMA sal geregtig wees om rente te hef op enige bedrag verskuldig hierkragtens bereken teen 'n koers per jaar van 5% (VYF PERSENT) of sodanige ander koers as wat OPTIMA in sy uitsluitlike diskresie van tyd tot tyd mag bepaal bo die prima uitleenkoers op oortrokke bankrekening van tyd tot tyd deur ABSA BANK gehef, bereken vanaf en insluitende die datum waarop enige sodanige skuld ontstaan, welke rente agteruit op die balans van tyd tot tyd verskuldig bereken sal word en aldus bereken te word tot tyd en wyl die verskuldigde bedrag ten volle gedelg is. OPTIMA sal die reg besit om, indien hierdie koers gehef deur ABSA BANK verhoog of verlaag word, die voormelde rentekoers dienooreenkomstig te verhoog of te verlaag, na gelang van die geval en sonder om enige kennis daarvan aan die skuldenaar te gee, en is die aanpassings in die rentekoers soos voormeld bindend op die skuldenaar om van tyd tot tyd en te eniger tyd, volgens sy absolute en uitsluitlike diskresie enige rente deur die skuldenaar verskuldig te kapitaliseer, in welke geval rente voortaan bereken en betaalbaar sal wees op sodanige gekapitaliseerde bedrag.
8. Eiendomsreg in die lot wat verkoop is sal gevestig bly in die VERKOPER, totdat die koopprys daarvan ten volle deur die KOPER betaal is.
9. Nog die KOPER, nog die VERKOPER, sal met betrekking tot enige bedrag hierkragtens verskuldig geregtig wees om skuldvergelyking toe te pas nie.
10. Die lewendehawe of goedere mag slegs van die veilingsterrein verwyder word na betaling, of waar betaling nie geskied het nie, met die vooraf verkrygte toestemming van OPTIMA.
11. Enige regskoste, insluitende invorderingskommissie, wat deur OPTIMA aangegaan word as gevolg van enige nie-nakoming van die KOPER se verpligtinge hierkragtens, sal deur OPTIMA verhaal word van die KOPER, op die skaal soos tussen prokureur-en-eie-kliënt.
12. Die KOPER en die VERKOPER stem toe tot die jurisdiksie van die Landdroshof soos beoog in Artikel 45 van Wet Nr 32 van 1944 ten opsigte van enige aksie wat OPTIMA teen die KOPER of VERKOPER mag instel, ondanks dat die aangeleentheid, eisoorzaak, bedrag of waarde die regspraak van daardie Hof mag oorskry, wat kragtens Artikel 28 van die voornoemde Wet jurisdiksie ten aansien van die KOPER of VERKOPER het. Nietenstaande die voorafgaande, sal OPTIMA in sy uitsluitlike en absolute diskresie die reg hê om 'n regsgeeding in enige Hooggeregshof van bevoegde jurisdiksie in te stel.
13. Geen toegewing of vergunning wat deur OPTIMA aan die KOPER of VERKOPER toegestaan word, sal geag word om 'n afstanddoening te wees van enige van OPTIMA se regte hierkragtens nie en sodanige toegewing of vergunning sal nie geag word of vertolk word as 'n novasie hiervan nie.
14. 'n Sertifikaat onderteken deur enige Bestuurder, Sekretaris of Rekenmeester vir tyd en wyl van OPTIMA en wie se aanstelling as sulks nie deur OPTIMA bewys hoef te word nie, met betrekking tot enige bedrag verskuldig en betaalbaar deur die KOPER of VERKOPER aan OPTIMA, sal prima facie bewys daarstel dat sodanige bedrag opeisbaar is, en sal dit voldoende bewys wees vir doeleindes van voorlopige vonnis en summiere vonnis teen die KOPER of VERKOPER in enige Hof van bevoegde jurisdiksie van die bestaan van die skuld vermeld in sodanige sertifikaat, die bedrae verskuldig, die geldende rentekoerse van tyd tot tyd wat daarin gesertifiseer is en die feit dat sodanige bedrae likwied is en verskuldig en betaalbaar is en nog nie betaal is nie.
15. Indien enige bepaling hiervan onwettig is of retrospektief onwettig gemaak word, sal daardie onwettige bepaling geag word om gewysig te wees en dié mate en op dié wyse wat nodig is om dit wettig te maak of indien sodanige wysiging onmoontlik is, sal die onwettige bepaling beskou word as deelbaar van die res van die bepalings hiervan en pro non scripto.
16. OPTIMA kan, sonder voorafgaande kennisgewing, hierdie voorwaardes uitbrei, inkort of wysig deur aankondigings in dié verband te maak voor of tydens die veiling.
17. Waar OPTIMA met betrekking tot hierdie transaksie 'n rekenaar geprosesseerde afrekeningstaat of faktuur na uitreiking hiervan aan die VERKOPER of KOPER lewer, bly die bedinge en voorwaardes hierin vervat, steeds geldig en onaangetas deur sodanige afrekeningstaat.
18. Indien enige van die gegewens met betrekking tot hierdie transaksie om enige rede gewysig of verander moet word, kan OPTIMA hierdie transaksie wysig deur 'n kredietnota vir die volle bedrag uit te reik en 'n debietnota vir die korrekte gegewens en bedrag te lewer en by lewering van sodanige kredietnota en debietnota, sal die bedinge en voorwaardes hierin vervat gewysig mutatis mutandis deur sodanige kredietnota en debietnota geldig en afdwingbaar bly.
19. Hierdie transaksie word in alle opsigte deur en in ooreenkoms met die wette van die Republiek van Suid-Afrika gereël en uitgelê en alle geskille, aksies en ander sake in verband hiermee moet ooreenkomstig sodanige wette bepaal word.
20. Waar die VERKOPER by die aangaan van hierdie ooreenkoms reeds 'n bedrag verskuldig is aan OPTIMA, of enige filiaal of firma van OPTIMA, ongeag die skuldoorsaak van sodanige verskuldigheid magtig die VERKOPER OPTIMA hiermee onherroeplik om die koopprys hiervan (minus OPTIMA se kommissie) teen die VERKOPER se rekening te krediteer as synde betaling van die koopprys namens die KOPER.